

Ka haere a te Miira ki te wawaahi pahi maana i te tahuna o te awa o Rangitikei. Ka oti ka hoki te tangata nei. I te kainga, ka korero atu a te Whiwhi ki a te Miira naana nga pahi, no te mea no runga i tona whenua. Ka ki atu a te Miira kaati me tiki he kai ruri. Ka hipa a te Miira ka tae a te Whiwhi mauria atu ana nga pahi. No te ruuritanga a te kai-ruri ka kitea no te pakeha ke te whenua. Ka hamenetia e te Miira a te Whiwhi. No te 26 o Aperira nei ka whakataungia kua hinga a te Whiwhi. Ka tapiki atu te whaea o te Miira ka utua te hingana o te Whiwhi. Ko te waahi hei titiro whanui ma te motu ko tenei (1) I pana a te Miira e tona whaea ake. I meinga hei tautangata. I awahina hoki te kuia nei i te hoa tauwhainga o taana tama ake. (2) Ko te Whiwhi he tangata hapai o te hahi ratana, koia nei aana rongopai he pana tangata. I te ngaro ke a te Miira ki Putaruru, ka panaia nei taana whanau.

(3) Ko te Whiwhi he tangata hapai i te hahi ratana. E hara i te hanga nga kai hapai o te hahi ratana, koia nei aana rongopai he pana tangata, he marena tamariki kaore ano kia rite nga tau.

Na reira e te Etita tohaina atu enei kupu ki nga topito e wha o te Motu tae atu ki te Waipounamu.

Heoi ano

Taite Te Tomo

Kakariki 16-4-29.

TE RARI O TATOU O TE IWI MAORI.

Ki te Etita:

E mihi ana ahau moku i kite iho i te reta a Arapeta Awatere, e patai nei he aha te take i penetitia ai taua te Iwi Maori. Ko te putake o tenei patai i putaketia mai i nga Mahi Whanui (P.W.D.) I whakaatu mai ia i te tiporotanga a te Kawanatanga o te Waari i te raina tereina mai i Rotorua ki Taupo. Mo te kohinga i nga pakeha anake hei haere ki te ara tereina o te Tairawhiti. Ko nga maori e 40 i mahue. I whakamarama ano te kai tuhi, tokorima o nga maori no te mea he hunga uniana, i whakahokia ano ki te mahi.

No reira e te Etita, e hiahia ana ahau ki te whakamarama i nga mahi Whanui i raro i te P.W.D., ara mahi mo te katoa. Ina etahi o aua mahi:—Hanga raina Reriwe, Raiti Hiko. Rori, me era atu e whaipanga ai te katoa.

I tonoa e te Uniana kia whakaaetia e te Kawanatanga te Preference Clause kia whakaekengia ki runga i te hunga o nga Mahi Whanui (Public Works) Kaore a te Maahi i whakaae. Kaore hoki a te Waari i whakaae. Ka kitea ai kaore te Kawanatanga i te hiahia ki te Uniana. Ka mohio ai tatou ko te